



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-275-2/25**

Datum: **08.07.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica OPĆINA SAPNA, za donošenje rješenja o vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-poslovnog objekta za obradu metala koji će biti smješten u sklopu industrijske zone „1“, općina Sapna, na osnovu člana 109. stav (2). tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj saglasnosti**

1. Pravnom licu OPĆINA SAPNA, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno-poslovnog objekta za obradu metala koji će biti smješten u sklopu industrijske zone „1“, općina Sapna, na zemljištu označenom kao k.č. broj: 3602/1 K.O. Sapna, u skladu sa projektnom dokumentacijom:
 - Glavni projekat snabdijevanja vodom i dispozicija otpadnih voda za potrebe proizvodno-poslovnog objekta investitora Općina Sapna, urađen od strane „ATRIUS-projekt“ d.o.o. Živinice, mart 2025. godine, revidovan od strane „TZI inženjering“ d.o.o. Sarjevo, april 2025. godine.
2. Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
4. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se, u skladu sa odredbama člana 114. stav (3) Zakona o vodama, ovjerena od strane ove Agencije vraća investitoru na trajno čuvanje i sastavni je dio ovog rješenja.
5. Vodna saglasnost se daje pod slijedećim uslovima:
 - 5.1. Radove na skladištenju hemikalija, opasnog i neopasnog otpada i prikupljanju, odvođenju i tretmanu oborinskih otpadnih voda sa saobraćajnih i pripadajućih manipulativnih površina izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 5.2. Nakon izvođenja radova koji obuhvataju skladištenje hemikalija, opasnog i neopasnog otpada i prikupljanje, odvođenje i tretman oborinskih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 5.3. Način ugradnje uređaja za prečišćavanje otpadnih voda i stavljanje istog u pogon uskladiti sa proizvođačem opreme.
 - 5.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 5.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 5.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 5.7. Predvidjeti da se sav otpad nastao u toku izgradnje, prikuplja i zbrinjava u skladu sa važećim propisima o postupanju sa otpadom.
 - 5.8. Podnosilac zahtjeva je obavezan ispoštovati uslove iz Lokacijske informacije broj: 03-19-2-1055/23 od 08.10.2024 godine izdato od strane Službe za urbanizam, stambeno-komunalne, imovinsko-pravne i geodetske poslove, Općina Sapna.

Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20 i 63/22).
8. Ova vodna saglasnost prestaje važiti istekom roka od dvije godine od dana pravosnažnosti ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
9. Ova vodna saglasnost može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice OPĆINA SAPNA, pismenim zahtjevom broj 01-21-1223/2025 Od16.06.2025 godine zaprimljenim dana 19.06.2025 god., zatražilo je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada proizvodno poslovnog objekta za obradu metala koji će biti smješten u sklopu industrijske zone „1“, općina Sapna, na zemljištu označenom kao k.č. broj: 3602/1 K.O. Sapna, a u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je sljedeća dokumentacija:

A. Opšta dokumentacija:

- Ovjerena kopija Uvjerenja o poreznoj registraciji donesenog od strane Porezne uprave –Kantonalni porezni ured Tuzla od 30.01.2020 godine –ovjerena kopija;
- Dokaz o uplaćenju administrativnoj taksi 60 KM,
- Obavijest za okolinsku dozvolu broj: 12/1-19-019909/24 od 19.06.2024 godine izdato od strane Ministarstva prostornog uređenja i zaštite okolice,
- Lokacijska informacija broj: 03-19-2-1055/23 od 08.10.2024 godine izdato od strane Službe za urbanizam, stambeno-komunalne, imovinsko-pravne i geodetske poslove, Općina Sapna,
- Rješenje o prethodnoj vodnoj saglasnosti broj: UP-1/21-1-40-204-11/24 od 27.09.2024. godine izdato od strane «Agencije za vodno područje rijeke Save» Sarajevo,
- Načelne saglasnosti broj: 02-06-780-2/23 i 02-06-780-2/23 od 21.11.2023 godine izdate od strane JKP „Sapna“ d.o.o. Sapna

B. Tehnička dokumentacija:

- Glavni projekat snabdijevanja vodom i dispozicija otpadnih voda za potrebe proizvodno-poslovnog objekta investitora Općina Sapna, urađen od strane „ATRIUS-projekt“ d.o.o. Živinice, mart 2025 godine
 - Izvještaj o reviziji Glavnog projekta urađen od strane „TZI inženjering“ d.o.o. Sarajevo, april 2025 godine.
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

Lokacija proizvodno poslovnog za obradu metala sa pratećim sadržajima nalazi se u sklopu industrijske zone „1“, općina Sapna, na zemljištu označenom kao k.č. broj: 3602/1 K.O. Sapna.

Udaljenost predmetnog poslovnog objekta od vodotoka rijeke Sapna je cca 90,00 m.

Na predmetnoj lokaciji nema izgrađene kanalizacione mreže

Osnovna namjena predmetnih objekata je završna obrada metala (sječenje, presovanje, zavarivanje, brušenje, te po potrebi nanošenje zaštitnog sloja i proizvodnja proizvoda kao što su: ukrasni paneli i ploče, nosači i konzole, metalni profili za industrijske pogone i dr.

U predmetnom proizvodno-poslovnom objektu se obavlja mašinska obrada metala i proizvodnja na CNC mašinama sa pratećim sadržajima.

Ovakav način proizvodnje ne zahtijeva upotrebu tehničke vode te u procesu proizvodnje ne nastaju tehnološke otpadne vode.

Pošto se radi o mehaničkoj obradi sirovina u procesu proizvodnje nastaje veća količina čvrstog otpada. Sav nastali otpad će se evidentirati sa osnovnim podacima o vrsti, količini, mjestu i datumu nastajanja i načinu zbrinjavanja.

Sav opasni otpad nastao u proizvodnji je potrebno sakupiti u posebne posude za opasni otpad, te zbrinuti prema zakonskim propisima od strane ovlaštene firme. U opasni otpad spada: istrošena emulzija iz mašina za oblikovanje metala, istrošena ulja iz motora, ambalaža zaprljana opasnim otpadom, pucvale, apsorbenzi i sl.

Oborinske vode sa manipulativnih površina se prikupljaju i odvođe zasebnim sistemom prema sabirnom šahtu, zatim u separator mli i ulja. Nakon tretmana u separatoru prečišćena voda će se ispuštati u šaht za monitoring te potom odvoditi u putni kanal.

U projektu je navedeno da se planirani proizvodno-poslovni objekti ne nalaze u području vodnog dobra, niti u liniji plavljenja velikih voda 1/100 rijeke Sapna.

Predviđeno je da se snabdijevanje vodom obezbijedi putem priključka na gradsku vodovodnu mrežu.

U aktu- Obavijest broj: 12/1-19-019909/24 od 19.06.2024 godine izdato od strane Ministarstva prostornog uređenja i zaštite okolice je navedeno da za navedni zahvat - aktivnost nije potrebno izdavanje okolinske dozvole te da će nadležni organi pri izdavanju potrebnih dozvola uzeti u obzir ispunjenje uslova zaštite okoliša.

Podnosilac zahtjeva je pribavio Rješenje o urbanističkoj saglasnosti od nadležnog organa čime potvrđuje da predmetna lokacija nije u koliziji sa planskim dokumentima općina Sapna.

Urbanističke uslove za izgradnju predmetnog poslovnog objekta, podnosiocu zahtjeva je nadležni organ propisao kroz izdato Rješenje o urbanističkoj saglasnosti.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-204-11/24 od 27.09.2024 godine izdato od strane «Agencije za vodno područje rijeke Save» Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić dipl.inž.tehn.

Po ovlaštenju
Rukovodilac sektora za izdavanje
vodnih akata
Nihad Pezo, dipl.inž.građ.



Dostaviti:

- OPĆINA SAPNA ul. 206, Viteške brigade bb, Sapna (Prilog: Ovjerena Tehnička dokumentacija pod tačkom B. ovog rješenja)

⊖ AVP-ISV -Vodna knjiga

- Sektor 40, arhiva

- Oglasna tabla AVP-Sava Sarajevo